

Zeitschrift: Annalas da la Societad Retorumantscha
Herausgeber: Societad Retorumantscha
Band: 70 (1957)

Artikel: Cuminonza radio romontsch
Autor: Murk, Tista
DOI: <https://doi.org/10.5169/seals-223027>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Cuminanza radio romontsch

Igl onn 1956 ei staus per nies radio romontsch in onn de fiasta e lavur.

La fiasta ei stada destinada alla commemoraziun dil dieschavel onn d'existenza de nossa Cuminanza radio romontsch ed ha existiu en in modest act festiv cun caschun della radunanza generala 1956, ella quala nies musiche Duri Sialm ha delectau nos com-members ed ils hospes si dalla Bassa cun ina «Suita sursilvana», dedicada a nossa societad giubilara e reproducida dal componist sez al clavazin. Era la nominaziun dil directur dil studio de Turitg, signur dr. Jacob Job sco commember honorari della CRR ha dau a quella tschentada ina tempra speciala, havein nus gie vuliu manifestar nossa renconuschientscha per ils merets ch'il honorau ha per nossa caussa romontscha.

La lavur prestada igl onn vargau ha contonschiu il maximum de tochen oz. D'ina vart ein ils programs romontschs vegni amplificai definitivamein per quater uras radioscola ad onn, da l'altra vart ha l'administraziun giu de prender posiziun en differentas damondas della radiodiffusiun svizzera: L'organisaziun dil niev survetsch sin undas ultracuortas (UUC) ha anflau ina sligiaziun cuntenteivla era per nus Romontschs entras la decisio della Societad svizzera de radiodiffusiun de reserver eventualas emprovas cun programs regiunals per nies intschess; nossa posiziun ella damonda della lescha per radio e televisiun ha, cun susteniment de tschellas societads de radio, effectuau ch'ins risguarda el text tuts ils lungatgs nazionals; il survetsch ded undas cuortas (cun siu emissur a Schwarzenburg) ha anflau nossa perschuwadida renconuschientscha; il problem della televisiun, ch'ei per nus aunc buc acuts, ha buc anflau ina sligiaziun definitiva ed era l'«uiara» per la repartiziun dellas entradas dellas taxas de radio ei veginida suspendida cun in provisorium sin la proxima radunanza generala svizzera e vegn a dar aunc biars quitaus tochen tut vegn ad esser sin rucca. Questa survesta summarica dils fatgs de radio astga era menziunar l'erecziun d'in secund emissur UUC a Tarasp, che la vischnaunca de Tarasp ha inauguraus ils 29 d'october 1956 en fuorma d'ina sempla, mo fetg emperneivla fiastetta. Quei emissur

ch'ei erigius, sco quel a Ladir, per megliurar il retscheviment dils programs de Beromünster, muossa a nus che la tecnica anfla la via de seperfeczionar oreifer e nus lein mo sperar ch'ella anfli era beinspert il caraun per survir pli e pli era a nies lungatg e nossa cultura romontscha.

Tgi che giavischia ina envesta pli profunda ella lavur della Cumionza radio romontsch, specialmein ellas prestaziuns de nossas commissiuns che sededicheschon gl'entir onn alla fuormaziun dils programs per nossas emissiuns, anfla tuts detagls el rapport annual che sorta uonn per la quarta ga dalla stampa.

Cuera, fevrer 1957.

Il parsura: Tista Murk